

Հայոց և մատուցին զանատոյգ գիրս ինչ Դատաւորաց ու մանց (Հէօճճէթ), որովք Զանային հաստատել որպէս թէ Հայք պարտաւոր են հատուցանել յիւրաքանչիւր ամի 200 ոսկիս իբր վարձ Ս. Յակոբայ եւ 'ի լինել երբեմն հակառակութեան՝ Յոյնք պահանջեալ իցեն 200 ոսկիս, Հայք խոստացեալ են հատուցանել 50 ոսկի միայն՝ և զայն չեն տուեալ, այժմ խնդրեմք ասեն զվարձս այնքան ամաց, և այսուհետեւ ծանր գնով տամք զայն 'ի վարձու, եւ այլ սոցին նման երազական բանք: Ընդ այս պատասխանի ետուն Հայք և ասեն՝ Յոյնք ունի՞նք քան զայն մեծապայծառ և փառաւոր տեղի. ասեն, ոչ, ապա զիա՞րդ անխոհեմութեամբ զայնպիսի պատուական տեղի 'ի վարձու տրուեալ էք, որ զՀայս իբրեւ զթշնամի ձեզ ճանաչէք, եւ դուք նստիք յօռի և յանշուք տեղիս, և կամ ունի՞ք գիր ինչ վկայութեան, որ երբեմն Հայք վարձս տուեալ են ձեզ: Դատաւորք ասեն՝ ովոք իցէ այնքան անմիտ զայնպիսի տեղի տալ 'ի վարձու իւրոյ թշնամոյ, եւ այն 'ի զին անարգ. դուք այնքան ատելութեամբ վարիք ընդ Հայս՝ մինչ ոչ կամիք բնակիլ նոցա յերուսաղէմ, թող թէ զայնպիսի փառաւոր տեղի տալ 'ի բնակութիւն նոցա: Յոյնք ետուն պատասխանի, Հայք գոլով հպատակ և հարկատու Տէրութեան՝ 'ի պատիւ երեսաց նորին յարգեմք զնոսա, եւ ընդունիմք իբրեւ հիւր եւ վարձաւոր մեր: Դատաւորք ասեն՝ ոչ ինչ է պիտոյ անհիմն և անտեղի բանից ձերոց տալ պատասխանի և հաստատեցին՝ թէ վանք Ս. Յակոբայ սեփական է Հայոց, և բարձաւ զանուն վարձու: Յոյնք ասեն՝ որովհետեւ բարձիք զայդ անուն, գորեսցի ուրեմն Ս. Յակոբ վանք Վրաց՝ զի Վիրք գոլով կրօնակից ինքեանց՝ լիցի առիթ ապագայ խռովութեանց, և տիրելոյ այնմ իբրեւ սեփականութիւն հետեւողաց իւրեանց, որպէս տիրեցին բովանդակ վանօրէից և ստացուածոց Վրաց և Սերվիացոց: Հայք ընդ այս եւս ոչ հաճեցան, զի այլ է վանք Վրաց Ս. Յակոբ 'ի գաւթի Սուրբ Յարութեան, և այլ է վանքն Հայոց. սակայն Յոյնք որ և իցէ նենգութեամբ ետուն գրել 'ի հրովարտակին իւրեանց որպէս զՍ. Փրկիչ և զՀրեշտակապետ, զառաջինն կոչելով Հալբէլէի Իսահակ զնոսանք, որ 'ի հրովարտակա Հայոց և ժողո-